



Broj: 12/08-23-16761-7/21
Zenica, 22.03.2022.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-16761-6/21, od 22.03.2022. godine, u otvorenom postupku javne nabavke za radove broj: 1417-1-3-64-3-44/21 od 22.12.2021. godine, Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Modernizacija dijela regionalne ceste R466 dionica Zavidovići-Kamenica” broj: 1417-1-3-64-3-44/21 od 22.12.2021. godine, ponuda ponuđača „**POROBIĆ**“ d.o.o. Zavidovići (broj: 24-02/22 od 24.02.2022. godine) sa ukupno ponuđenom cijenom od 149.926,98 KM (bez uračunatog PDV-a) izabrana je kao najpovoljnija.

II

Ponuđač „POROBIĆ“ d.o.o. Zavidovići (ID broj: 4218228760005), adresa Radnička ulica bb, 72220 Zavidovići, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača. Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

III

Ponuda ponuđača „MGV gradnja“ d.o.o. Zavidovići se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača „TANS-PUTEVI“ d.o.o. Doboj Jug se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-16761/21 od 17.12.2021. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-64-3-44/21 objavljeno je na Portalu javnih nabavki 22.12.2021. godine.

Komisija za javne nabavke imenovana rješenjem broj: 12/08-23-16761-4/21 od 23.02.2022. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristiglo je 6 (šest) ponuda.

U periodu od 24.02.2022. godine do 15.03.2022. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača „MGV gradnja“ d.o.o. Zavidovići se odbacuje jer nije dostavljena u skladu sa uslovima iz tenderske dokumentacije.

Naime, tačkom 24. Tenderske dokumentacije propisano je da „Ponude moraju važiti u trajanju od 120 dana, računajući od dana isteka roka za podnošenje ponuda“.

Ponuđač „MGV gradnja“ d.o.o. Zavidovići je dostavio ponudu u kojoj je na stranici 2. postupio suprotno uslovima iz tačke 24. Tenderske dokumentacije. Na strani 2. Ponude u dijelu koji se odnosi na rok važenja ponude umjesto 120 dana upisao je da je period važenja ponude 60 (šezdeset) dana, te je kao rok važenja ponude upisao 26.04.2022. godine, a trebao je 26.06.2022. godine.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), i tačke 15.6. tenderske dokumentacije, ponuda ponuđača „MGV gradnja“ d.o.o. Zavidovići se odbacuje, jer nije potpuna i ne ispunjava zahtjeve iz tenderske dokumentacije.

Ponuda ponuđača „TANS-PUTEVI“ d.o.o. Doboj Jug se odbacuje jer nije dostavljena u skladu sa uslovima iz tenderske dokumentacije.

Ponuđač „TANS-PUTEVI“ d.o.o. Doboj Jug je na strani 15. u Izjavi o ispunjenosti uslova iz člana 45. ZJN-a na mjestu predviđenom za upis Mjesta i datuma davanja izjave upisao samo mjesto Doboj Jug bez upisanog datuma davanja Izjave, a usljed čega se ne može odrediti starost Izjave u smislu ispunjavanja uslova iz tačke 12.2.1. a) Tenderske dokumentacije kojom je propisano da „Izjava se dostavlja u originalu ili ovjerenoj kopiji i ne može biti starija od 30 dana računajući od momenta predaje ponude“.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda ponuđača „TANS-PUTEVI“ d.o.o. Doboj Jug se odbacuje, jer nije potpuna i ne ispunjava zahtjeve iz tenderske dokumentacije.

Preostale pristigle ponude, ponuđača „POROBIĆ“ d.o.o. Zavidovići, „KOMGRAD-ZE“ d.o.o. Zenica, „HAJDIĆ“ d.o.o. Maglaj i „DOBOJPUTEVI“ d.d. Doboj Jug ispunjavaju postavljene uslove, te je za 17.03.2022. godine zakazano provođenje e-aukcije, sa početkom u 14:50 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponuđač	Ukupna cijena ponude bez PDV-a
1.	„POROBIĆ“ d.o.o. Zavidovići	149.926,98 KM
2.	„KOMGRAD-ZE“ d.o.o. Zenica	169.646,36 KM
3.	„HAJDIĆ“ d.o.o. Maglaj	196.494,92 KM
4.	„DOBOJPUTEVI“ d.d. Doboj Jug	208.067,48 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „**POROBIĆ“ d.o.o. Zavidovići**. Ugovorni organ prihvatio je preporuku Komisije za javne nabavke da se najpovoljnijem ponuđaču, „POROBIĆ“ d.o.o. Zavidovići, dodijeli Ugovor za radove „Modernizacija dijela regionalne ceste R466 dionica Zavidovići-Kamenica“. Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda

Dostavljeno:

6 x svim ponuđačima,

1 x a/a

Obradio:

Elmedin Bašić

DIREKTOR
po ovlaštenju ministra

(~~Rasim Kovač~~)

Saglasan: ARNEL ISAK, ministar